

六
典
通
考

六典通考卷一百二十九

湖西閭鎮珩輯

樂制考

歷代樂器

太師掌六律六同以合陰陽之聲陽聲黃鐘太簇姑洗蕤賓夷則無射陰聲大呂應鐘南呂函鐘小呂夾鐘皆文之以五聲宮商角徵羽皆播之以八音金石土革絲木匏竹黃鐘子十一月建焉而辰在星紀大呂丑之氣也十二月建焉而辰在元枵太簇寅之氣也正月建焉而辰在娵訾應鐘亥之氣也十月建焉而辰在析木姑洗辰之氣也三月建焉而辰在大梁南呂酉之氣也八月建焉而辰在壽星蕤賓午之氣也五月建焉而辰在鶉首林鐘未之氣也六月建焉而辰在鶉火夷則申之氣也七月建焉而辰在鶉尾中呂巳之氣也四月建焉而辰在實沉無射戌之氣也九月建焉而辰在交錯實處如火夾鐘卯之氣也二月建焉而辰在降婁辰與建交錯實處如火

表裏然其合也其相生則以陰陽六體爲之黃鐘初九也
 下生林鐘之初六林鐘又上生姑洗之上太簇之九二太簇又下生南
 呂之六二南呂又上生姑洗之九三姑洗又下生應鐘之六
 三應鐘又上生蕤賓之九四蕤賓又上生夾鐘之六五夾鐘又下生
 又下生夷則之九五夷則又上生中呂之上六同位者象夫妻異位
 無射之上九無射又上生中呂之上六同位者象夫妻異位
 者象子母所謂律取妻而呂生子也黃鐘長九寸其實一籥
 下生者三分去一上生者三分益一五下六上乃一終矣大
 呂長八寸二分四十三分寸之一百四十五太簇長八寸七分
 七寸二千一百八十七分寸之千七百七十五姑洗長七寸九分
 寸之一中呂長六寸萬九千六百八十三分寸之萬二千九
 百七十四蕤賓長六寸八十一分寸之四百五十一南呂長五寸
 夷則長五寸七分四寸六千五百六十一分寸之六千五
 三分寸之一無射長四寸六千五百六十一分寸之六千五
 百二十四應鐘長四寸

典同掌六律六同之和以辨天地

四方陰陽之聲以爲樂器陽聲屬天陰聲屬地律通氣者也
 同助陽宣氣與之同皆以銅爲之

凡聲高聲硯正聲緩下聲肆陂聲散險聲斂達聲贏微聲餽

同聲衍侈聲侘弇聲鬱薄聲甄厚聲石高鐘形大上上大也
 高則聲上藏裏然旋

如裏正謂上下正直則聲緩無所動下謂鐘形大下下大也
下則聲出去放肆陵謂偏侈陵則聲離散也險謂偏弇也險
則聲欲不越也達謂其形微大也達則聲有餘若大放也微
謂其形微小也縮聲小不成也回謂其形微圓也回則其聲
淫衍無鴻殺也侈謂中央約也侈則聲迫窄出去疾也弇謂
中央寬也弇則聲鬱不出也甄猶棹也鐘微薄則聲掉鐘大
厚則如石叩凡爲樂器以十二律爲之數度以十二聲爲之
之無聲也
齊量數度廣長也齊凡和樂亦如之和謂調其故器也小師掌教
鼓鼗祝敔塤簫管絃歌教教瞽矇也眠瞭掌凡樂事播鼗
擊頌磬笙磬典庸器掌藏樂器月令仲夏命樂師修鞀
鞀鼓均琴瑟管簫執干戚戈羽調竽笙箎黃飭鐘磬祝敔
白虎通八音者何謂也土曰塤竹曰管皮曰鼓匏曰笙絲曰
絃石曰磬金曰鐘木曰祝敔此謂八音也法易八卦也樂記
曰塤坎音也管艮音也鼓震音也絃離音也鐘兌音也祝敔

乾音也一說笙柷鼓簫瑟塤鐘磬也如其次笙在北方柷在
東北方鼓在東方簫在東南方琴在南方塤在西南方鐘在
西方磬在西北方也聲五音八何聲爲本出于五行音爲末
象八風也荀子聲樂之象鼓大麗鐘統實磬廉制竿笙簫
和管簫發猛塤箎翁博琴易良琴婦好歌清盡舞天道兼鼓
其樂君之耶故鼓似天鐘似地磬似水竿簫管簫似星辰曰
月鞀柷捐枳櫛似萬物曷以和舞之意曰目不自見耳不自
聞也然而洽俯仰詘信進退遲速莫不廉制盡筋骨之力以
要鐘鼓拊會之節而靡有悖逆者眾積積譁譁乎

金之屬 金鐘也鋪也鐔也鐔也鐔也鐔也鐔也鐘者世本
云黃帝工人垂所造爾雅云大鐘曰鐔書曰笙鐔以問

是也中者曰剽剽音瓢小者曰棧棧音酸晉江左初所得酸鐘是也縣鐘磬者曰筍簾橫曰筍從曰簾蔡邕曰寫鳥獸之形大聲有力者以爲鐘簾清聲無力者以爲磬簾擊其所縣知由其簾鳴焉鋪如鐘而大前代有大鐘若周之無射非一皆謂之鐘鋪之言近代無聞焉鐸

鐸鐸並見周禮注

鐘師掌金奏

金奏擊金以爲奏樂之節金謂鐘及鋪

鋪師掌金奏之鼓

磬

師掌教擊編鐘

磬亦編于鐘言之者鐘有不編不網者鐘師擊之

細鈞有鐘無鋪

昭其大也大鈞有鋪無鐘甚大無鋪鳴其細也徒鼓鐘謂

之修鼓人掌教六鼓四金之音聲以金鐸和鼓以金鐸節

鼓以金鐸止鼓以金鐸通鼓

鐸鐸于也圓如碓頭大上小下樂作鳴之與鼓相和鐸鐸也形

如小鐘軍行鳴之以為鼓節饒如鈴無舌有柄執而鳴之以止摩鼓鐸大鈴也振之以通鼓小師掌六

樂聲音之節與其和和聲六分其金而錫居一謂之鐘鼎

之齊鳧氏為鐘兩樂謂之鈇鈇鈇鐘口鈇間謂之于于上謂

之鐘鼓上謂之鈺鈺上謂之舞于鐘脣之上祛舞上謂之甬

甬上謂之衡鐘縣謂之旋旋蟲謂之幹也今時旋有鈴熊盤

龍辟鐘帶謂之篆篆間謂之枚枚謂之景帶所以介其名也

衡之間凡四今時鐘乳俠鼓于上之擁謂之隧擁擁所擊也在

與舞每處有九面三十六鼓中室而生十分其鈇去二以為鈺以其鈺為之鈇間去二

分以為之鼓間以其鼓間為之舞修去二分以為舞廣此言

徑居鈇徑之八而鈇間與鈺之徑相應鼓間又居鈇徑之六

與舞修相應舞修舞徑也舞上下促以橫為修從為廣舞廣

四分今亦去徑之二分以為之問則舞間之方恆居鈇之四

也舞間方四則鼓間六亦其方也鼓六鈺六舞四此鐘口十

者其長十六也凡言間者亦以從篆以其鉦之長爲之甬

介之鉦間亦當六今時鐘或無鉦間以其甬長爲之圍參分其圍去一以爲衡圍衡居甬上又小

參分其甬長二在上一在下以設其旋令衡居一分則參分旋亦二在上一在下

以旋當甬之薄厚之所震動清濁之所由出侈弇之所由興

有說說猶鐘已厚則石聲不發已薄則播聲散侈則柞聲

大外弇則鬱聲不舒揚長甬則震鐘掉則聲不震是故大鐘十分其鼓間

以其一爲之厚小鐘十分其鉦間以其一爲之厚鼓鉦之間同方六而

今宜異鼓外鐘大而短則其聲疾而短聞淺則躁躁鐘小而

長則其聲舒而遠聞深則安安爲遂六分其厚以其一爲之

深而圍之厚鐘厚深謂室子夏曰鐘聲鏗鏗以立號號以

立橫橫以立武君子聽鐘聲則思武臣景王二十三年王

將鑄無射問律于伶州鳩對曰律所以立均出度也古之神

瞽考中聲而量之以制度律均鐘百官軌儀紀之以三平之

以六成于十二天之道也王將鑄無射而為之大林無射鐘名律中

無射也大林無射之覆也作無射單穆公曰不可夫鐘不過

而為大林以覆之其律中林鐘也以動聲若無射有林耳不及也無射防聲之細者林鐘陰聲

聽及也夫鐘聲以為耳也耳所不及非鐘聲也猶目所不見不

可以為目也夫目之察度也不過步武尺寸之間六尺為步

其察色也不過墨丈尋常之間五尺為墨倍墨為丈八尺為尋倍尋為常耳之察

酥也在清濁之間黃鐘為宮則濁大呂為角則清其察清濁也不過一人之

所勝也勝舉也是故先王之制鐘也大不出鈞重不過石以木長七尺有

絃繫之以為鈞法律度量衡于是乎生衡有斤兩之數生于黃鐘黃鐘之管容秬

黍千二百粒粒百爲銖是爲一簋簋二爲小大器用于是乎

合合重一兩故曰律度量衡于是乎生焉

出鐘也出于故聖人慎之今王作鐘也聽之弗及比之不度鈞石

之鐘聲不可以知餘制度不可以出節無益于樂而鮮民財

將焉用之夫樂不過以聽耳而美不過以觀目若聽樂而震

觀美而眩患莫甚焉夫耳目心之樞機也故必聽和而視正

聽和則聰視正則明聰則言聽明則德昭聽言昭德則能思

慮純固以言德于民民歆而德之則歸心焉歆喜服也是以作無

不濟求無不獲然後能樂若視聽不和而有震眩則味入不

精不精則氣佚氣佚則不和不和無射大林也于是乎有狂悖之言

有眩惑之明有轉易之名有過慝之度出令不信刑政放紛

動不順時民無據依不知所力各有離心上失其民作則不

濟求則不獲其何以能樂王弗聽問之伶州鳩對曰臣聞之

琴瑟尚宮

凡樂輕者從大重者從細故琴瑟尚宮也鐘尚羽石尚角匏竹利制

也竹簡管也利制以聲大不踰宮細不過羽夫宮聲之主也

第以及羽故樂器重者從細

重爲金石也從細尚細聲謂鐘尚羽石尚角也輕者從

大

輕瓦絲也從大是以金尚羽石尚角瓦絲尚宮匏竹尚議

議議從其調利

草木一聲

革鼗鼓也木祝敔也一聲無清濁之變也

夫政象樂樂從和和

從平聲以和樂律以平聲

聲五聲也以成八音而調樂也

金石以動之絲竹

以行之詩以道之歌以詠之匏以宣之瓦以贊之草木以節

之物得其常曰樂極

物事也極中也極之所集曰聲

集中和之所會

聲

應相保曰和

保安

細大不踰曰平如是而鑄之金磨之石繫

之絲木越之匏竹

越謂爲孔也

節之鼓而行之以遂八風

遂猶順也正西

曰兌爲金爲闐闐風西北曰乾爲石爲不周風正北曰坎爲
革爲廣莫風東北曰艮爲皦爲融風正東曰震爲竹爲明庶
風東南曰巽爲木爲清明風正南曰離

爲絲爲景風西南曰坤爲瓦爲涼風

無散陽

滯積也散

陰陽序次風雨時至嘉生繁祉人民和利

于是乎氣無滯陰亦

物備而樂成上下不罷

罷勞

故曰樂正今細過其主妨于正

言無射有大林是作細

而大過其律妨于正聲

用物過度妨于財正害財匱妨于樂

細抑大陵不容于耳非和也

細無射也大大陵也

聽聲越遠非平也

透越

也夫有和平之聲則有蕃殖之財于是乎道之以中德詠之

以中音德音不愆以合神人神是以寧民是以聽若夫匱財

用罷民力以逞淫心聽之不和比之不度無益于教而離民

怒神非臣之所聞也王不聽卒鑄大鐘王將鑄無射伶州

鳩曰王其以心疾死乎夫樂天子之職也夫音樂之興也

因樂

音而行而鐘音之器也音由器天子省風以作樂器以鍾之取

也以器與以行之小者不窕窕細大者不樛樛橫大則和于

物物和則嘉成故和聲入于耳而藏于心心億則樂也億安窕

則不惑不充滿人心樛則不容心是以感感實生疾今鐘樛

矣王心弗堪其能久乎 白虎通鐘之為言動也陰氣用事

萬物動成鐘為氣用金聲也鍾者時之氣聲也節度之所生

也君臣有節度則萬物昌無節度則萬物亡亡與昌正相迫

故謂之鍾 大司馬敎振旅卒長執鐃兩司馬執鐸公司馬

執鐃敎大閱司馬振鐸鼓行鳴鐃三鼓撾鐸鼓退鳴鐃且卻

樂書小師掌六樂聲音之節與其和鼓人掌六鼓四金之

音聲以金鐃和鼓自金聲之淳言之謂之鐃自和鼓之倡

言之謂之和其實一也蓋其形象鐘頂大腹掾口弁上以
杖擊爲鼻內縣子鈴銅舌凡作樂振而鳴之與鼓相和後
周平蜀獲其器太常卿斛斯證觀曰鐸于也以芒筒撝之
其聲極振乃取以合樂焉國語曰戰以鐸于儆其民也又
黃池之會吳王親鳴鐘鼓鐸于振鐸後世之制或爲兩馬
之形或爲蛟龍之狀引舞用焉非周制也宋史云廣漢什
邠人段祖以鐸
于絃始興于鑒其器高三尺六寸六分圓二尺四寸形圓
如簫色黑如漆甚薄上有銅馬以繩縣之令去地尺餘灌
之以水又以器盛水于下以芒當鐸疏注鐸于以手振芒
則其聲清音如雷良久乃絕樂書曰凡金爲樂之器有六
皆鐸類也鼓人以金鐸節鼓司馬職公司馬執鐸軍行鳴鐸詩
曰鉦人伐鼓國語曰鼓丁寧春秋傳曰射汰軒而著于丁
寧說文曰鐸鉦也韋昭曰丁寧鉦也鄭康成曰鐸如小鐘

軍行鳴之以爲鼓節蓋自其聲濁言之謂之錡以其倣人言之謂之丁宜以其正人言之謂之鉦其實一也後世合宮縣用之而有流蘇之飾非周制也近代有大銅登縣而擊之亦此類

石之屬 石磬也世本云叔所造不知何代人又曰無句作磬古史禮記考曰堯時人也曰叔之離磬爾雅曰形似犁鎗以玉爲之大曰磬磬音翳書云泗濱浮磬泗濱石可爲磬近代出華原也

磬師掌教擊磬磬亦編如鐘教緦樂燕樂之鐘磬緦讀爲緦錦之樂者也燕樂房中之樂所謂陰聲也磬氏爲磬倨句一矩有半必先度一矩爲倨句一矩爲半其博爲一博謂股股爲二鼓爲三參分其股博去一以爲鼓博參分其鼓博以其一爲之厚

股外面鼓內面也假令磬股廣四寸半者股已上則摩其旁

長九寸也鼓廣三寸長一尺三寸半厚一寸已上則摩其旁

大上聲清也濁已下則摩其端大下聲濁也

薄而廣則濁已下則摩其端大下聲濁也

磬方在東方曰笙笙生也在西大射樂人宿縣于阼階東

笙磬西面西階之西頌磬東面玉磬四代之樂器也諸

侯擊玉磬諸侯之僭禮也徒鼓磬謂之卷白虎通磬者

夷則之氣也象萬物之盛也其氣磬故曰磬有貴賤焉有親

疎焉有長幼焉朝廷之禮貴不讓賤所以明尊卑也鄉黨之

禮長不讓幼所以明有年也宗廟之禮親不讓疎所以明有

親也此三者行然後王道得王道得然後萬物成天下樂用

磬也子夏曰石聲磬磬以立辨辨以致死君子聽磬聲則

思死封疆之臣

樂書春秋時齊侯以玉磬賂晉師止兵臧文仲以玉磬如
齊告糴禮記郊特牲言諸侯宮架而擊玉磬明堂位言四
代樂器拊搏玉磬玉之于石類也書言天球在東序詩言
受小球大球先王因天球以爲磬以其爲堂上首樂之器
其聲清徹有隆而無殺衆聲所求而依之者也商頌曰依
我磬聲本諸此歟呂氏春秋言堯命夔鳴球以象上帝玉
磬之音傳言金石有聲不考不鳴禮言玉之清越以長樂
也梓人爲筍簴取羽屬清揚而遠聞者以爲磬簴故擊其
所縣而由其簴鳴取鱗屬以爲筍且其匪色必似鳴矣漢
武帝建招仙靈閣有黃金輕玉之磬非古制也晉賀循奏
登歌之簴采玉以造磬隋蘇夔造玉磬獻于齊唐制宗廟

殿廷用玉磬則玉磬堂上之樂登歌用焉書言拊搏琴瑟

以詠而以鳴球爲先義可見矣

通禮義纂曰晉賀循修奏登歌簾采玉造小磬宗廟

殿廷用玉郊丘用石本去堂上樂以歌故名歌鐘磬唐制設歌磬于壇上之西歌鐘于東近南北向至匏竹于壇下也

國語曰籛篠蒙璆漢樂章曰軒朱璆磬蓋璆與球同而

字異其實一也隋文帝于翟泉獲玉磬十四垂之于庭有

二神人擊之其聲絕妙又閩州得十二玉磬以獻張率更

叩其一曰晉某歲所造開元時太真妃最善擊磬拊搏之

音明皇令採藍田綠玉爲磬造簨簴流蘇之屬皆金鈿珠

翠珍怪之物雜飾之

土之屬 土墳也缶也世本云墳暴新所造不知何代

人周畿內有暴國豈其時人乎燒土爲之大于鷲卵銳

上平底形似稱鍾六孔爾雅云大者曰器器音叫小者如雞子缶說文曰瓦器也所以盛酒漿秦人鼓之以節歌也爾雅云盆也坎其擊缶澠池會秦王爲趙王擊缶是也

小師掌教塤

塤燒土爲之
大如雁卵

瞽矇掌塤

笙師掌教敔塤

白虎通壘在十一月壘之爲言勸陽氣于黃泉之下勸蒸而

萌

籥章掌土鼓

土鼓以瓦爲匡以革爲兩面可擊也

中春晝擊土鼓以迎暑

中秋夜迎寒亦如之凡國祈年于田祖擊土鼓以樂田畯

祭蜡擊土鼓以息老物

禮之初蕡桴而土鼓猶若可以致

其敬于鬼神

蕡讀爲由謂搏土爲桴也土鼓築土爲鼓也

土鼓蕡桴伊耆氏之

樂也

樂書墳之爲器立秋之音也平底六孔水之數也中虛上
銳如秤錘然火之形也大者聲合黃鐘大呂小者聲合太
簇夾鐘要宿中聲之和而已風俗通謂圉五寸半長一寸
半有四孔其二通凡六空蓋取諸此爾雅大墳謂之器蓋
以其六孔交鳴而喧譁故也譙周曰幽王之時暴辛公善
墳世本曰暴公作墳謂暴公善墳可也謂之作墳未敢信
矣墳又作壙金方而土圓水平而火銳從熏火也其徹爲
黑則水從圓則土之形圓也或謂墳青氣陽氣始起萬物
暄動據水土而萌始于十一月成于立春象萬物萌出于
土中是生土主四季所言非主正位六月而言亦一說也
墳六在上一前三後二王子年拾遺記曰
春皇庖儀氏易土爲墳祖条于是興矣
古有雅墳如雁

子頌墳如雞子其聲重濁合乎雅頌今太常舊器無頌墳
至皇祐中聖制頌墳調習聲韻並合鐘律前下一穴爲太
簇上二穴右爲姑洗啟下一穴爲仲呂左雙啟爲林鐘後
二穴一啟爲南呂雙啟爲應鐘合聲爲黃鐘頌墳雅墳對
而吹之協律清和

革之屬 革鼓也鞀也節也大曰鼓小曰鞀又曰應風
俗通曰不知誰所造以梓擊之曰鼓以手搖之曰鞀鼓
及鞀之八面者曰雷鼓雷鞀六面者曰靈鼓靈鞀四面
者曰路鼓路鞀長八尺者曰鼗鼓以鼓軍事長丈二尺
者曰鼗鼓凡守備及役事則鼓之今世謂之下鼗鼗周
禮音戚今世音切鼓反長六尺六寸者曰晉鼓金奏則

鼓之應鼓在大鼓創詩云應棘縣鼓是也小鼓有柄曰鞀大鞀謂之鞀月令仲夏修鞀鞀是也鞀鞀卽鞀類又有鼗鼓焉節不知誰所造傳玄節賦曰黃鐘唱歌九韶興舞口非節不詠手非節不拊此則從來亦遠矣

大司樂雷鼓靄鼗冬日至于地上之圜丘奏之靈鼓靈鼗夏日至于澤中之方丘奏之路鼓路鼗于宗廟之中奏之大

師下管播樂器令奏鼓棘

小師掌教鼓鼗

鼗如鼓而小執其柄搖之旁耳

選自

大祭祀大享下管擊應鼓凡小祭祀小樂事鼓棘

鼗

矇掌播鼗

眡矇掌凡樂事播鼗賓射皆奏其鐘鼓鼗愷獻

亦如之

鐘師掌鼗鼓纒樂

纒樂擊鼗以和之

鎛師掌金奏之鼓

謂主鼗晉鼓以奏其鐘鎛也

鼓人掌教六鼓四金之音聲以節聲樂以

和軍旅以正田役

音聲五聲合和者

教爲鼓而辯其聲用

教爲鼓者大

小之數又別其聲所用之事

以靈鼓鼓神祀以靈鼓鼓社祭以路鼓鼓鬼

享以鼗鼓鼓軍事以鼗鼓鼓役事以晉鼓鼓金奏

神祀祀天

地祇鬼享享宗廟大鼓謂之鼗金奏謂樂作擊編鐘

鞀人爲臯陶

臯陶鼓木也

長六尺有

六寸左右端廣六寸中尺厚三寸

版長廣頭狹爲穹隆也鄭司農云謂鼓木一判者其

兩端廣六寸而其中央

穹者三之一

一穹隆者居鼓面三分之

廣尺也如此乃得有腹

一也倍之爲二尺

一則其鼓四尺者版穹

鼓四尺穹之徑六尺

六寸三分寸之二也此鼓合二十版

上三正居二尺二寸不弧曲也此鼓兩面以六鼓差之

長八尺鼓四尺中圍加三之一謂之鼗鼓

中圍加三之一者加于面之圍以三

分之一也面四尺其圍十二尺加以三分一四尺則中圍十

六尺徑五尺三寸三分寸之一也今亦合二十版則版穹六

寸三分寸之二也

爲臯鼓長尋有四尺鼓四尺倨句磬折

磬折不參正

也中國與鼓凡冒鼓必以啟蟄之曰蟄蟲始聞雷聲而動

革以鼓瑕如積環革調也鼓大而短則其聲疾而短聞鼓小而

長則其聲舒而遠聞大射建鼓在阼階西南鼓應鼙在其

東南鼓西階之西一建鼓在其南東鼓朔鼙在其北一建鼓

在西階之東南面莊子曰負建鼓建鼓可負則以蠶質而置

商制而植之亦謂之建鼓隋唐又棲翔鸞于其木世因之

制高六尺六寸中植以柱設重斗方蓋蒙以珠張以絳紫

為別駕旁人挾鞀應二小鼓而左右然詩言應田縣鼓則周

制應田在建鼓旁矣太僕建路鼓于大寢之門外以待達窮

者與遽令大司馬教振旅王執路鼓諸侯執鼗鼓軍將執

晉鼓師帥執提旅帥執鼗提謂馬上鼓有曲木提持鋪師

凡軍之夜三鼗皆鼓之守鼗亦如之鼙鼓逢逢矇矇奏公

隨似蜥蜴長丈餘皮可冒鼓逢逢和也

掌固夜三鼙以號戒 冥氏攻猛獸

以靈鼓毆之

太師大祭祀帥瞽登歌令奏擊拊

擊拊瞽乃歌也故書

拊爲付鄭司農云登歌歌者在堂也付字當爲拊書亦或爲拊樂或作擊或當拊登歌下管貴人聲也元謂拊形如鼓以韋爲之著 小師登歌擊拊 亦自有拊擊之佐大師令 古之以稊 奏鄭司農云拊者擊石

樂會守拊鼓治亂以相

相卽拊也亦以節樂

拊搏四代之樂器也

尙書大傳以韋爲鼓謂之搏拊

樂記曰會守拊鼓堂上之樂待以作者拊堂下之樂待以

作者

笙師掌教應雅以教祓樂

雅狀如漆桶而弇口大二

鼓之有兩紐疏畫之

子夏曰鼓鼙之聲謹謹以立動動以進眾君子

聽鼓鼙之聲則思將師之臣

白虎通鼓震音煩氣也萬物

憤懣震動而生雷以動之溫以煖之風以散之雨以濡之奮

至德之聲感和平之氣也同聲相應同氣相求神明報應天

地祇之其本乃在萬物之始也故謂鼓也鞀者震之氣也上應昴星以通王道故謂鞀也

樂書先王爲鼓冒之以啟蟄之曰伐之也爲冬至之音其聲象雷其形象天于樂象君故曰鼓無當于五聲五聲不得和傳曰鼓所以檢樂爲羣音之長故鼓大而短則其聲疾而短聞小而長則其聲舒而遠聞然則大而不短小而不長其聲必適舒疾之節其聞必適短遠之衷一歸中聲而已

唐明皇善羯鼓而宋璟善腰鼓羯鼓深論制作之法使其君聞而悅之豈知周公之于成王作六樂禁四聲以善其心之意哉

絲之屬 琴世本云神農所造琴操曰伏羲作琴白虎通曰琴禁也禁止于邪以正人心也廣雅曰琴長三尺

六寸六分象三百六十六曰大絃爲君寬和而溫小絃
爲臣清廉不亂文王武王加二絃以合君臣之恩也琴
操曰廣六寸象六合也又上曰池言其平下曰濱言其
服前廣後狹象尊卑上圓下方象天地揚雄琴清英曰
舜彈五絃之琴而天下化堯加二絃以合君臣之恩桓
譚新論曰五絃第一絃爲宮其次商角徵羽文武各加
一絃爲少宮少商說者不同爾雅曰大琴謂之離二十
七絃今無其器瑟世本云庖羲作五十絃黃帝使素女
鼓瑟哀不自勝乃破爲二十五絃具二均聲爾雅曰大
瑟謂之灑禮圖舊云雅瑟長八尺一寸廣一尺八寸二
十三絃其常用者十九絃頌瑟長七尺二寸廣一尺八

寸二十五絃盡用之易通卦驗曰人君冬至日使八能之士鼓黃鐘之琴瑟用槐木長八尺一寸夏至日琴用桑木長五尺七寸槐取氣上桑取氣下也

大司樂雲和之琴瑟冬日至于地上之圖丘奏之空桑之琴瑟夏日至于澤中之方丘奏之龍門之琴瑟于宗廟之中奏之小師掌教弦歌弦謂琴瑟瞽矇掌弦歌大琴練弦達越

大瑟朱弦達越

練弦朱弦互文也

清廟之瑟朱弦而疎越

清廟

請作樂歌清廟也朱弦練朱弦練則聲獨越瑟底孔也書疎之使聲遲也

大琴大瑟中琴小瑟

四代之樂器也

子夏曰絲聲哀哀以立廉廉以立志君子

聽琴瑟之聲則思志義之臣君子之近琴瑟以儀節也非以

愾心也孔子學琴于師襄子師襄子曰吾雖以擊磬爲官

然後于琴今子于琴已習可以益矣孔子曰丘未得其數也
有間曰已習其數可以益矣孔子曰丘未得其志也有間曰
已習其志可以益矣孔子曰丘未得其爲人也有間孔子有
所謬然思焉有所舉然高望而遠眺焉曰丘迨得其爲人矣
黜而黑頤然長曠如望羊望羊遠視也奄有四方非文王其孰能
爲此師襄子避席葉拱而對曰葉拱兩手薄其心也君子聖人也其傳
曰文王操子路鼓琴孔子聞之謂冉有曰甚矣由之不才也
夫先王之制音也奏中聲以爲節流入于南不歸于北夫南
者生育之鄉北者殺伐之域故君子之音溫柔居中以養生
育之氣憂愁之感不加于心也暴厲之動不在于體也所謂
治安之風也小人之音則不然亢麗微末以象殺伐之氣中

和之感不載于心溫酥之動不存于體所以爲亂亡之風

樂書宋太常琴長三尺六寸三百六十分象周天之度也

絃有三節聲自焦尾至中暉爲濁聲自中暉至第十暉爲

中聲上至第一暉爲清聲故樂工指法按中暉第一絃爲

黃鐘按上爲大呂二絃太簇按上爲夾鐘三絃姑洗按上爲仲呂四絃蕤

賓單彈五絃林鐘按上爲夷則六絃南呂按上爲無射七絃應鐘按上爲黃

鐘各隨鐘律彈之莫不合中呂之商

木之屬 木祝也敵也不知誰所造祝如漆篴方二尺

四寸深一尺八寸中有椎柄連底桐之令左右擊敵狀

如虎背上有二十七鉏鐻以竹長尺名曰止橫櫟之以

節樂終也

小師掌教祝敵 瞽矇掌祝敵 天子賜諸侯樂則以祝將

之 拊擊四代之樂器也

拊擊謂祝敵

所以鼓祝謂之止

止者其椎

名所以鼓敵謂之籥

敵如伏虎刻以木長尺棰之籥者其名

白虎通祝敵者

終始之聲萬物之所生也陰陽順而復故曰祝承順天地序

迎萬物天下樂之故樂用祝祝始也敵終也 笙師掌教春

牘應雅以教祓樂

春牘以竹大五六寸長七尺短者一二尺其端有兩空縣畫之以兩手築地應長六

尺五寸實薛而出以節之

樂書宋太樂祝爲方色以圖瑞物東龍西虎南鳳北龜底

爲神蠙因唐制以竹二尺四寸折爲十二莖樂將作先擊

其首次三憂鉦鐸而止與舊祝四面畫山卉用木棰鉦鐸

者異晉宋故事四箱各有祝敵同時憂作亦非古制隋牛

洪罷之宜矣

匏之屬 匏笙也竽也笙隨所造不知何代人列管匏

內施簧管端宮管在中央三十六簧曰竽宮管在左傍

十九簧至十三簧曰笙它皆相似竽今亡太笙謂簧小

者謂和其笙中之簧女媧所造也詩傳曰吹笙則鼓簧

矣蓋笙中之簧也爾雅曰笙十九簧者曰巢漢章帝時

零陵文學奚景于舜祠得笙白玉管後世易之以竹

笙師掌教敎竽笙凡祭祀享射其其鐘笙之樂

鐘笙與鐘聲相應之笙

三笙一和而成聲

三人吹笙一人吹和凡四人也爾雅曰笙小者謂之和

女媧之

笙簧

世本曰女媧造笙簧

白虎通匏之言施也在十二月萬物始施

而勞笙者太簇之氣象萬物之生故曰笙有七正之節焉有

六合之和焉天下樂之故謂之笙 通典今之笙竽以木代

匏而漆殊愈于匏荆梁之南仍尚古制 南蠻笙是匏其聲甚劣

樂書宋李照作集笙合二十四聲以應律呂正倍之聲作

和笙應笙竽作清濁之聲又自制大笙上之太樂今太常

笙濁聲十二中聲十二清聲十二俗呼為鳳笙孟蜀主所

進樂工不能吹雖存而不用 集笙之制第一管應鐘正聲應第二管二管中音黃鐘正聲

應中音子第三管應鐘正聲應頭子第四管南呂正聲應第五子五中呂管無射正聲無六大托管蕤賓濁聲應

第七子五管大呂正聲應鐘入大韻管姑洗濁聲有唐元第五子南呂清聲應鐘四管十中音子黃鐘清應中音十

一托聲管蕤賓正聲應大托十二著聲管姑洗正聲應大韻十三仲呂管夾鐘正聲無應十四高聲管太簇正聲十

五平調子林鐘正聲十六平調管林鐘正聲十七大韻太簇濁聲應高聲十八義聲管夷則正聲無應十九托聲管

仲呂正聲無應聲

竹之屬 簫世本云舜所造爾雅曰編二十三管尺四寸者曰言十六管長尺二寸者篴篴音父凡簫一名簫前世有洞簫管爾雅曰長尺圍寸併漆之有底大者曰簫簫音驕中者曰篴小者曰篴篴音妙古者以玉爲管舜時西王母獻白玉琯是也月令均琴瑟管簫蔡邕章句曰管者形長尺圍寸有孔無底今亡篴世本云暴新公所造舊志云一曰管舜時西王母獻管已有其器新公安得造篴乎爾雅曰篴大者尺四寸圍三寸曰沂沂音銀一名翹小者尺二寸唐有胡篴出于胡吹非雅器也篴不知誰所造唐凱容宣烈舞所執羽簫是也詩云左手執篴右手秉翟簫如笛三孔而短小爾雅云七孔

大者曰產中者曰仲小者曰箛箛音握

大司樂孤竹之管冬日至于地上之園丘奏之孫竹之管夏

日至于澤中之方丘奏之陰竹之管于宗廟中奏之 小師

掌教箛管

箛管小竹管如今賣飴所吹者管如箛而小併兩面吹之今大子樂官有焉

瞽矇掌

播箛管

笙師掌教歛箛箛簫簫管

簫七空箛如筵三空

箛師掌教

國子舞羽歛箛

箛章掌士鼓幽箛

幽箛幽人吹箛之聲章

中春晝擊

土鼓歛幽詩以逆暑中秋夜迎寒亦如之凡國祈年于田祖

飲幽雅擊土鼓以樂田畯國祭蜡則歛幽頌擊土鼓以息老

物

幽詩幽風七月也吹之者以箛為之聲幽雅幽頌亦七月也

葦箛伊耆氏之樂也

古樂訊疾以雅

雅亦樂器名狀如漆桶中有棹

子夏曰竹聲濫濫以立會會

以聚眾君子聽等笙箛管之聲則思畜聚之臣 白虎通箛

者中之氣萬物生于無聲見于無形僂也簫也故謂簫簫以
祿爲本言承天繼物爲民本人力加地道化然後萬物戮也
故謂簫也

樂書箛簫簫篴簫管五者皆出于笙師所教杜子春謂如今

時所吹五孔竹簫蔡邕曰形長尺圍寸無底有穴今亡大

抵簫笛一法爾唐制尺八寸取倍黃鐘九寸爲律漢丘仲

一穴爲商聲晉荀勗笛法以後宋太常笛無尺寸從下而

上一穴爲太簇半竅爲大呂一穴爲姑洗半竅爲夾鐘次

上一穴爲仲呂次上一穴爲林鐘半竅爲蕤賓次上一穴

爲南呂半竅爲夷則變聲爲應鐘謂用黃鐘清與仲呂雙

發爲變聲半竅爲無射後一穴爲黃鐘清中管起應鐘爲

首爲宮其次上穴大呂爲商又次上穴夾鐘爲角又次上穴仲呂爲變徵又次上穴蕤賓爲正徵又次上穴夷則爲羽爲宮爲無射後穴與第三穴雙發十二律用兩笛成曲樂縣記夏后氏之龍簋虞殷之崇牙周之璧鬯註簋虞所以縣鐘磬者橫曰簋飾以麟屬植曰虞飾以羸屬羽屬簋以大版爲之謂之業殷又于龍上刻畫之爲重牙以挂縣絃也周又畫網爲鬯戴以璧垂五采羽于其下樹于簋之角上飾彌多也周頌曰設業設虞崇牙樹羽

典庸器祭祀享食賓射帥其屬而設筍虞梓人爲筍虞天

下之大獸五脂者膏者羸者羽者麟者

脂牛羊屬膏豕屬羸者謂虎豹麋獭爲獸

淺毛者之屬羽宗廟之事脂者膏者以爲牲羸者羽者鱗者

以爲筍虞外骨內骨卻行庀行連行紆行以脰鳴者以注鳴

者以旁鳴者以翼鳴者以股鳴者以胷鳴者謂之小蟲之屬

以爲雕琢外骨屬內骨蟹屬卻行蟻行之屬庀行蟹屬連

行魚屬紆行蛇屬脰鳴龜屬注鳴精列屬旁鳴

蜩蜋屬翼鳴發皇屬股鳴厚脣弁口出目短耳大胷耀後大

體短脰若是者謂之羸屬恆有力而不能走其聲大而宏有

力而不能走則于任重宜聲大而宏則于鐘宜若是者以爲

鐘虞是故擊其所縣而由其虞鳴銳喙決吻數目願脰小體

騫腹若是者謂之羽屬恆無力而輕其聲清揚而遠聞無力

而輕則于任輕宜其聲清揚而遠聞則于磬宜若是者以爲

磬虞故擊其所縣而由其虞鳴
吻口脰也願長脰貌
小首而長搏身而

鴻若是者謂之鱗屬以爲筍

搏圖也鴻備也

凡攬網援簪之類必深

其爪出其目作其鱗之而

謂筍虞之獸也深猶藏也作起也之而頰頰也

深其爪出

其目作其鱗之而則于眡必撥爾而怒則于任重宜且其匪

色必似鳴矣

匪采貌也

爪不深目不出鱗之而不作則必頰爾如

委矣苟頰爾如委則加任焉則必如將廢措其匪色必似不

鳴矣

措也

虞業爲樅

虞植木以縣鐘磬其橫曰柎業柎上

縣鐘磬處以綵色爲崇牙其狀櫟櫟然者也

天子左五鐘右五鐘天子將出撞

黃鐘右五鐘皆應然後奏登車告出也入撞蕤賓左五鐘皆

應然後少師奏登堂就席告入也大司樂大祭祀宿縣遂

以聲展之小胥正樂縣之位王宮縣諸侯軒縣卿大夫判

縣士特縣辨其聲

四面象宮室有牆故謂宮縣軒縣去南面辟王也判縣左右之合又空北面特縣縣

于東方或于凡縣鐘磬半爲堵全爲肆鐘磬者編縣之二入
階間而已堵謂之肆請侯之卿大夫半天子之大
之堵鐘一堵磬一堵謂之肆請侯之卿大夫半天子之大
卿大夫西縣鐘東縣磬士亦半天子之士縣磬而已

之堵鐘一堵磬一堵謂之肆諸侯之卿大夫半天子之卿大夫西縣鐘東縣磬士亦半天子之士縣磬而已

大

射樂人宿縣于阼階東笙磬西面其南笙鐘其南鐃皆南陳

笙猶生也東爲陽中萬物以生是以東方鐘磬謂建鼓在阼

階西南鼓應鼙在其東南鼓也南鼓謂所伐面也應鼙應朔

鼙也鼙小鼓也在東便其先擊小西階之西頌磬東面其南
 後擊大也鼓不在東縣南爲君也

鐘其南鑄皆南陳一建鼓在其南東鼓朔鑿在其北

爲陰中萬物之所成是以西方鐘磬謂之頌
一建鼓在西階

之東南面國君于其羣臣備三面爾無鐘磬有鼓而已諸侯則軒縣簠在建鼓之間也謂

笙簫之屬
瑟倚于堂
瑟倚于頌磬西絃
絃編磬繩也設瑟于磬西倚于絃也
諸侯之宮

縣諸侯之僭禮也 戰于新築新築人仲叔于奚救孫桓子

衛人賞之以邑辭請曲縣

軒縣也

許之仲尼聞之曰惜也不如

多與之邑惟器與名不可以假人

樂書秦始皇建千石之鐘立萬石之簠漢儀高廟撞千石之鐘十枚李尤銘曰漢因于周由若重規人因秦器事有可施其言過矣漢魏以來有四箱金石架少或八或六多則十六二十至隋唐益爲三十六架高宗蓬萊宮充庭有七十二架飾筓以飛龍飾簠以擊獸上列植羽旁垂流蘇武后飾宮縣廟朝以五采軒縣以朱五郊各從方色宋仿古制天子宮縣鑄鐘十二簠編鐘十二簠編磬十二簠凡三十六簠各依辰次每鑄鐘左右設編鐘編磬再辰次列三架今太常曲譜宮縣每奏一聲鑄鐘一擊編鐘磬三擊

清濁互應大昭小鳴和之道也古者鐘磬簾皆取中簾之木故擊其所懸而由其簾

鳴今鐘磬之簾例以實木爲之故其鳴不由簾

六典通考卷一百三十

湖西閻鎮珩輯

樂制考

歷代樂器

唐樂志云聲無形而樂有器古之作樂者知夫器之必有敝而聲不可以言傳懼夫器失而聲遂亡也乃多爲之法以著之故始求聲者以律而造律者以黍自一黍之廣積而爲分寸一黍之多積而爲龠合一黍之重積而爲銖兩此造律之本也故爲之長短之法而著之于度爲之多少之法而著之于量爲之輕重之法而著之于權衡是三物者亦必有時而敝則又總其法而著之

于數使其分寸龠合銖兩皆起于黃鐘然後律度量衡相用爲表裏使得律者可以制度量衡因度量衡亦可以制律不幸而皆亡則推其法數而制之用其長短多少輕重以相參考四者旣同而聲必至聲至而後樂可作矣夫物用于有形而必敝聲藏于無形而不竭以有數之法求無形之聲其法具存無作則已苟有作者雖去聖人于千萬歲後無不得焉

漢宮商角徵羽職在太樂或曰泰帝使素女鼓五十絃瑟悲帝禁不止故破其瑟爲二十五絃于是塞南越禱祠泰一后土始用樂舞益召歌兒作二十五絃及空侯瑟自此起哀帝時丞相孔光大司空何武奏南北郊大樂鼓員六人嘉至鼓

員十人邯鄲鼓員二人騎吹鼓員三人江南鼓員二人淮南鼓員四人巴俞鼓員三十六人歌鼓員二十四人楚嚴鼓員一人梁皇鼓員四人臨淮鼓員三十四人茲加鼓員三人凡鼓十二員百二十八人給盛德主調箎員二人聽工以律知日冬至夏至一人鐘工磬工簫工員各一人主領諸樂人皆不可罷竽工員三人一人可罷琴工員五人三人可罷柱工員二人一人可罷繩絃工員六人四人可罷張瑟員八人七人可罷安世樂鼓員二十人十九人可罷沛吹鼓員十二人族鼓歌員二十七人陳吹鼓員十三人商樂鼓員十四人東海鼓員十六人長樂鼓員十三人纓樂鼓員十三人凡鼓八員百二十八人朝賀置酒陳前殿房中不應經法治竽員五人

楚鼓員六人諸竽瑟鐘磬員不應經法或鄭衛之聲皆可罷奏可初元帝時郎中京房知五音造准形如瑟十三絃隱間九尺中使一絃下有尺分寸六十律之節史官傳之至後漢建武之後不能定其絃緩急矣主莽令劉歆造銅律所制與房不殊

後漢制曰冬至夏至陰陽晷景長短之極微氣之所生也故使八能之士八人或吹黃鐘之律間竽或撞黃鐘之鐘或度晷景權水輕重水一升冬重十三兩或擊黃鐘之磬或鼓黃鐘之瑟軫間九尺二十五絃宮處于中左右爲商徵角羽或擊黃鐘之鼓先之三日太史謁之至日夏時四孟冬則四仲其氣至焉先氣至五刻太史令與八能之士卽坐于端門左

塾太子具樂器夏赤冬黑列前殿西上鐘爲端守宮設席于器南北面東上正德席鼓南西面令曷儀東北三刻中黃門持兵引太史令八能之士入自端門就位二刻侍中尙書御史謁者皆陞立一刻乘輿親御臨軒太史令北面跪舉手曰八能之士以備請行事制可太史令稽首起立少退顧正德曰可行事正德立命八能之士曰以次行事間音以竽五音各三十爲闕正德曰令五音律先唱五音并作五十五闕皆音以竽訖八能士各書板言事文曰臣某言今月若干日甲乙日冬至黃鐘之音調君道得孝道褒商臣角民徵事羽物各一板否則召太史令各板書封以皂囊送西陞跪授尙書尙書授侍中常侍迎受報聞以小黃門幡麾節度太史令前

日禮畢制可陞者以次罷日夏至禮亦如之陽嘉二年十月行禮辟雍奏應鐘始復黃鐘樂器隨月律

通典漢丞相田蚡前庭羅鐘磬置曲旃光武又賜東海恭王鐘簋之樂漢樂歌云高張四懸神來燕饗謂宮懸也漢儀云高廟撞千石之鐘十枚上林賦所謂撞千石之鐘立萬石之簋也鐘當十二而此十枚未識其義議者皆言漢代不知用宮懸按漢章和代實用旋宮漢代羣儒備言其義牛弘祖孝孫所由準的知漢代樂爲最備後漢則亡矣魏武帝時杜夔爲郎中令鑄銅工柴玉巧有意思形器多所造作夔令玉鑄鐘聲均清濁多不如法數毀改作玉甚厭之謂夔清濁任意更相訢白于魏武魏武取所鑄鐘雜錯更試

然後知夔爲精而玉謬也青龍中鑄大鐘高堂崇諫曰夫禮樂者爲治之大本也故蕭韶九成鳳凰來儀雷鼓六變天神以降是以政平刑措和之至也新聲發響商辛以隕大鐘既鑄周景以死存亡之機恆由此作君舉必書古之道也作而不法何以示後帝稱善

晉張華荀勗校魏杜夔所造鐘律其聲樂多不諧乃出御府令古銅竹律二十五銅尺銅斛七俱校減新尺短夔四分因造十有二笛笛具五音以應京房之術笛音皆各用蕤賓林鐘之角短則又倍之二笛八律而後成去四分之一而以本宮管上行度之則宮定也因宮亢以本宮徵管上行度之則徵定也各以其律展轉相因隨亢疎密所宜置之或半之或

四之以調呂正雅樂正會殿庭作之自謂宮商克諧然論者謂最爲暗解初最常于路逢趙賈人牛鐸及掌樂事律呂未諧者時阮咸善達八音論者謂之神解咸常心識焉新律聲高以謂高近哀思不合中和最以爲異已出咸爲始平相後有田夫耕于野得周玉尺焉以校已所理鐘石絲竹皆短校一米乃服咸之妙復徵咸歸至孝武太元中破符堅獲樂工楊蜀等四廂金石始備

宋元嘉中鐘宗之更調金石十四奚縱之又改之晉及宋齊懸鐘磬大準相似皆十六架黃鐘之宮北方北面編磬起西其東編鐘衡大于鍾不知何代所作其東鍾太簇之宮東方西面起北蕤賓之宮南方北面起東姑洗之宮西方東面

起南所次皆如黃鐘之宮設建鼓于四隅懸內四面各有祝
敵史言大元四年金石大備其實樂府止有黃鐘姑洗蕤賓
太簇四格而已六律不具何謂備樂

梁去衡鐘十二鋪鐘各依辰位而應其律每一鐘設編磬各

一簾合三十六架植建鼓于四隅元正大會備用之

山謙之記云殿

前三鐘悉周景王所鑄無射也遺樂官以今無射新笛飲不
相中以夷則笛飲則聲韻和合端門外一鐘案其銘題皆夷
則其西廂一鐘天監中移度東以今笛飲乃中南呂驗其鑄
刻乃是太簇則下今笛二調敕太樂令推校鐘有鑿處表裏
皆然訪舊識是宋泰始中使張永鑿之去銅既多故其調卑
下宋武平中原使將軍陳傾致三鐘小大中各一今太極殿
前二鐘端門外一鐘是也天監元年詔博采古樂竟無所得帝素善音律
詳悉舊事遂自制四器名之爲通通受聲亮廣九寸直長九
尺臨岳高寸二分每通施三絃一曰元音通應鐘絃用百四

十二絲長四尺七寸四分差強黃鐘絃用二百七十絲長九尺大呂絃用二百五十二絲長八尺四寸三分差弱二曰青陽通太簇絃用二百四十絲長八尺夾鐘絃用二百二十四絲長七尺五寸弱姑洗絃用百四十二絲長七尺二寸一分強三曰朱明通中呂絃用百九十絲長六尺六寸六分弱蕤賓絃用百八十九絲長六尺三寸二分強林鐘絃用百八十八絲長六尺四寸四分四曰白藏通夷則絃用百六十八絲長五尺六寸二分弱南呂絃用百六十絲長五尺三寸三分大強無射絃用百二十九絲長四尺九寸九分強因以通聲轉推月氣悉無差違而還相得中又制爲十二笛黃鐘笛長三尺八寸大呂笛長三尺六寸太簇笛長三尺四寸夾鐘笛長

三尺二寸姑洗笛長三尺一寸中呂笛長二尺九寸蕤賓笛
長二尺八寸林鐘笛長二尺七寸夷則笛長二尺六寸南呂
笛長二尺五寸無射笛長二尺四寸應鐘笛長二尺三寸用
笛以寫通聲攷古夾鐘玉律并周代古鐘皆不差于是被以
八音旋以七聲莫不和韻

陳制鼓吹一部十六人簫十三人笳二人鼓一人東宮一部
降三人簫減二人笳減三人諸王一部又降一人減簫一庶
姓一部又降一人復減簫一

後魏神龜元年陳仲儒自江南來歸頗閑樂事請依京房立
准以調八音准十三絃隱間九尺以應黃鐘九寸調中一絃
令與黃鐘相得其准平面直如停水中絃一柱高下與二頭

臨岳一等移柱上下之，不使離絃不得舉絃又中絃麤細須與琴宮相類中絃須施軫如琴以軫調聲令與黃鐘一管相合中絃下依數出六十律清濁之節其餘十二絃施柱如箏又凡絃皆須素張使臨時不動卽于中絃按畫一周之聲度著十二絃上然後依相生之法以次運行取十二律之商徵商徵既定又依琴五調調聲之法以均樂器其調以宮爲主清調商爲主平調角爲主時尙書蕭寶夤奏金石律呂制度調均自古以來鈔或通曉仲儒學不師授云出己心又言舊器不任必須更造上違用舊之旨不合依許詔如所奏北齊神武霸府田曹參軍信都芳號知音能以管候氣常與人對語別指天曰孟春之氣至矣人往驗管而飛灰已應每

月所候言皆無爽又爲輪扇二十四埋地中以測二十四氣每一氣感則一扇自動他扇并住與管灰相應及文宣受禪宮懸各設十二鎛鐘于其辰位四面并設編鐘磬各一簣簠合二十架設建鼓于四隅郊廟朝會同用之諸王爲州皆給赤鼓赤角皇子增給吳鼓長鳴角上州刺史給青鼓青角中州以下及諸鎮戍皆給黑鼓黑角皆有衣同鼓色

後周文帝攝政詔尙書蘇綽詳正音律綽時得宋尺以定諸管草創未就會閔帝受禪政由冢宰方有齊冠事竟不行後掘太倉得古玉斗按以造律及衡其事又多湮沒宣帝時達奚震及牛弘等議曰竊惟權衡度量經邦懋軌誠須詳求故實考校得衷謹尋今之鐵尺是太祖遣尙書故蘇綽所造當

時檢勘用爲前周之尺驗其長短與宋尺符卽以調鐘律并用均田度地今以上黨羊頭山黍依漢書律曆志度之若以大者稠累依數滿尺實于黃鐘之律須撼乃容若以中者累尺雖復小稀實于黃鐘之律不動而滿計此二事之殊良由消息未善其于鐵尺終有一會且上黨之黍有異他鄉其色至烏其形圓重用之爲量定不徒然案許慎解柎黍體大本異于常疑今之大者正是其中累百滿尺卽是會古實籥之外纔剩十餘此恐圍徑或差造律未妙就如撼動取滿論理亦通今勘周漢古錢大小有合宋氏渾儀尺度無差又依淮南果粟十二成寸明先王制法索隱鈎深以律計分義無差異漢書食貨志云黃金方寸其重一斤今鑄金校驗鐵尺爲

近至玉尺累黍以廣爲長累既有剩實復不滿尋訪古今恐不可用其晉梁尺量過爲短小以黍實管彌復不容據律調聲必致高急斟酌量時事鐵尺爲便故事懸鐘磬法七正七倍合爲十四蓋準變宮變徵凡爲七聲有正有倍而爲十四也長孫紹遠引國語泠州鳩云武王伐殷歲在鶉火自鶉及駟七位故也旣以七同其數而以律和其聲于是有七律又引尙書大傳謂之七始其注云謂黃鐘林鐘太簇南呂姑洗應鐘蕤賓也歌聲不應此者皆去之然據一均言也宮商角徵羽爲正變宮變徵爲和加倍而有十四焉

隋參用儀禮及尙書大傳爲宮懸陳布之法北方北向應鐘起西磬次之林鐘次之大呂次之皆東陳一建鼓在其東東

鼓東方西向太簇起北磬次之夾鐘次之姑洗次之皆南陳
一建鼓在其南南鼓南方北向中呂起東黃鐘次之蕤賓次
之磬次之林鐘次之皆西陳一建鼓在其西西鼓西方東向
夷則起南鐘次之南呂次之磬次之無射次之皆北陳一建
鼓在其北西鼓大射則徹北面而加鉦鼓又准儀禮宮懸四
面設鑄鐘十二簋各依辰位又甲丙庚壬各設鐘一簋乙丁
辛癸位各陳磬一簋共二十簋其宗廟殿庭郊丘社并同樹
建鼓于四隅以象二十四氣依月爲均四廂同作蓋取毛詩
傳曰四懸皆同之義古者鑄鐘據儀禮擊爲節檢而無合曲
之義又大射有二鑄皆亂擊焉乃無成曲之理依後周以十
二鑄相生擊之聲韻克諧其簋簠皆金五博山飾以崇牙樹

羽旒蘇其樂器應漆者天地之神皆朱漆宗廟及殿庭則五色漆畫晉宋故事廂別各有祝敵同時憂之至隋不用時有萬寶常者通鐘律解六音常與人方食論及聲調時無樂器因取食器及雜物以箸扣之品其高下宮商畢備諧于絲竹文帝召見問鄭譯所定音樂可否對曰此亡國之音豈陛下所宜聞遂極言樂聲哀怨淫放非雅音請以宋尺爲律以調樂器從之遂造諸樂器其聲率下于譯調二律撰六樂譜十四卷論八音旋相爲宮之法改絲移柱之變爲八十四調百四十四律變化終于千八聲試令爲之應手成曲見者莫不嗟異

唐初張文收定樂鑄銅律三百六十銅斛二銅瓶二銅甌十

六典通考

卷百三十

四秤尺一斛左右耳與爵皆方積十而登以至於斛與古玉尺玉斗同皆藏于太樂署武后時太常卿武延秀以爲奇玩乃獻之及將考中宗廟樂有司奏請出之而秤尺已亡其迹猶存以常用度量校之尺當六之五量衡皆三之一至肅宗時山東魏延陵得律一因中官李輔國獻之云太常諸樂調皆下不合黃鐘請悉更制諸鐘磬帝以爲然乃悉取太常諸樂器入于禁中更加磨剡凡二十五日而成御三殿觀之以還太常然以漢律考之黃鐘乃太簇也當時議者以爲非是其後黃巢之亂樂工逃散金奏皆亡昭宗卽位將謁郊廟有司不知樂縣制度太常博士殷盈孫案周法以算數除鐃鐘輕重高卽黃鐘九寸五分倍應鐘三寸三分凡四十八等圖

上口項之量及經衡之圍乃命鑄鑄鐘十二編鐘二百四十
宰相張濬爲修奉樂縣使求知聲者得處士蕭承訓等校石
磬合而擊拊之音遂諧樂縣之制宮縣四面天子用之若祭
祀則前祀二日太樂令設縣于壇南內壝之外北向東方西
方磬簋起北鐘簋次之南方北方磬簋起西鐘簋次之鑄鐘
十有二在十二辰之位樹雷鼓于北縣之內道之左右植建
鼓于四隅置祝敔于縣內祝在右敔在左設歌鐘歌磬于壇
上南方北向磬簋在西鐘簋在東琴瑟箏筑皆一當磬簋之
次匏竹在下凡天神之類皆以雷鼓地祇之類皆以靈鼓人
鬼之類皆以路鼓其設于庭則在南而登歌者在堂若朝會
則加鐘磬十二簋設鼓吹十二案于建鼓之外案設羽葆鼓

一大鐘一金鐃一歌籥笛皆二登歌鐘磬各一簋節鼓一歌
者四人琴瑟箏筑皆一在堂上笙歌籥塤皆一在堂下若皇
后宮先蠶則設十二大磬以當展位而無路鼓軒縣三面皇
太子用之若釋奠于文宣王武成王亦用之其制去宮縣之
南面判縣二面唐之舊禮祭風伯雨師五嶽四瀆用之其制
去軒縣之北面皆植建鼓于東北西北二隅特縣去判縣之
西面或陳于階間有其制而無所用凡植者爲簋橫者爲簠
簠以縣鐘磬皆十有六周人謂之一堵而唐人謂之一簋自
隋以前宮縣二十簋及隋平陳得梁故事用三十六簋遂用
之唐初因隋舊用三十六簋高宗建業宮成增用七十二簋
至武后時省之開元定禮始依古著爲二十簋至昭宗時宰

相張潛已修樂縣乃言舊制太清宮南北郊社稷及諸殿廷用二十簾而太廟含元殿用三十六簾潛以爲非古而廟廷狹隘不能容三十六乃復用二十簾而鐘簾四以當甲丙庚壬磬簾四以當乙丁辛癸與開元禮異云舊唐書音樂志云笛漢武帝工邱仲造元出于羌中短笛修尺有咫長笛短笛之間謂之中管箎吹孔有觜如酸棗橫笛小箎也漢靈帝好胡笛五胡亂華石遵翫之不絕音宋有胡箎出于胡吹梁胡吹歌云快馬不須鞭反插楊柳枝下馬吹橫笛愁殺路傍兒此辭元出北國之橫笛皆去觜其加觜者謂之義觜笛筆簾本名悲簾出于胡中其聲悲亦云胡人吹之以驚中國馬云春牘虛中如箎無底舉以頓地如春杵亦謂之頓相相助也

用以節樂或謂梁孝王築睢陽城擊鼓爲下杵之節睢陽操
用舂牘後世因之柏板長闊如手厚寸餘以韋連之擊以代
扑箏本秦聲相傳蒙恬所造非也制與瑟同而絃少按京房
造五音準如瑟十三絃乃箏也雜樂箏並有十二絃他樂皆
有十三絃軋箏以片竹闊其端而軋之筑如箏細頸以竹擊
之如擊琴清樂箏用骨爪長寸餘以代指琵琶四絃漢樂也
初秦長城之役有弦鼗而鼓之及漢武帝嫁宗女于烏孫乃
裁箏箠爲馬上樂推而遠之曰琵琶引而近之曰琵琶令清樂奏
琵琶俗謂之秦漢子圓體修頸而小疑是弦鼗遺制其他皆
充上銳下曲項形制稍大疑是漢制兼似兩制者謂之秦漢
梁侯景將害簡文使太樂令彭雋齎曲項琵琶就帝飲則南

朝似無曲項者五絃琵琶稍小蓋北國所出風俗通云以手
琵琶之因爲名案舊琵琶皆以木撥彈之貞觀始有手彈之
法今所謂撥琵琶者是也阮咸亦奏琵琶而項長過于今制
列十有三柱武太后時蜀人蒯明于古墓中得之晉竹林七
賢圖阮咸所彈與此類因謂之阮咸箜篌漢武帝使樂人侯
調所作以祠太一或云侯輝所作其聲坎坎應節謂之坎侯
聲訛爲箜篌或謂師延靡靡樂非也舊說亦依琴制今按其
形似瑟而小七絃用撥彈之如琵琶箜篌箜篌胡樂也漢靈帝
好之體曲而長二十有二絃豎抱于懷用兩手齊奏俗謂之
擘箜篌鳳首箜篌有項如軫七絃鄭善子作開元中進形如
阮咸其下缺少而身大傍有少缺取其身便也絃十三隔孤

柱一合散聲七隔聲九十一柱聲一總九十九聲隨調應律
太一司馬紹開元中進十二絃六隔合散聲十二隔聲七十
二絃散聲應律呂以隔聲旋相爲宮合八十四調令編入雅
樂宮縣內用之六絃史盛作天寶中進形如琵琶而長六絃
四隔孤柱一合散聲六隔聲二十四柱聲一總三十一聲隔
調應律天寶樂任偃作天寶中進類石幢十四絃六柱黃鐘
一均足倍也聲移柱作調應律永泰初司馬紹進廣平樂蓋
八缶具黃鐘一均聲鐘黃帝之工垂所造鐘種也立秋之音
萬物種成也大曰鑄鑄亦大鐘也爾雅謂之鑪小而編之曰
編鐘中曰剡小曰醯鐸于圓如碓頭大上小下縣以籠牀芒
筵將之以相鼓沈約宋書云今人間時有之則宋日非廟庭

所用後周平蜀獲之斛斯徵觀曰鐸于也依干寶周禮注試之如其言鐸木舌搖之以和鼓梁有銅磬蓋今方響之類方響以鐵爲之修八寸廣二寸圓上方下架如磬而不設業倚于梁上以代鐘磬人間所用者纔三四寸銅板亦謂之銅盤出西戎及南蠻其圓數寸隱起若浮漚貫之以韋皮相擊以和樂也南蠻國大者圓數尺或謂南齊穆士素所造非也鉦如大銅鑊縣而擊之節鼓銅鼓鑄銅爲之虛其一面覆而擊其上南夷扶南天竺類皆如此嶺南豪家則有之大者廣丈餘腰鼓大者瓦小者木皆廣首而纖腹本胡鼓也石遵好之與橫笛不去左右齊鼓如漆箏大一頭設齊于鼓面如麕臍故曰齊鼓檐鼓如小甕先冒以革而漆之羯鼓正如漆桶兩

手具擊以其出羯中故號羯鼓亦謂之兩杖鼓都曇鼓似腰鼓而小以槌擊之毛員鼓似都曇鼓而稍大答臘鼓制廣羯鼓而短以指揩之其聲甚震俗謂之指鼓雞婁鼓正圓兩手所擊之處平可數寸正鼓和鼓者一以正一以和皆腰鼓也節鼓狀如博局中間員孔適容其鼓擊之節樂也撫拍以韋爲之實之以糠撫之節樂也金木之音擊而成樂今東夷有管木者桃皮是也西戎有吹金者銅角是也長二尺形如牛角貝蠡也容可數升并吹之以節樂亦出南蠻桃皮卷之以爲篳篥嘯葉銜葉而嘯其聲清震橘柚尤善四夷絲竹之量國異其制不可詳盡爾雅琴二十絃曰離瑟二十七絃曰麗漢世有洞簫又有管長尺圍寸而併漆之宋世有繞梁似臥

篳篥今并亡矣今世又有篳其長盈尋曰七星如箏稍小曰雲和樂府所不用

宋初王朴製編鐘皆側垂李照胡瑗皆非之及照將鑄鐘給銅于鑄冶務得古編鐘一工人不敢毀乃藏于太常鐘不知何代所作其銘云粵朕皇祖寶祿鐘粵斯萬年子子孫孫永寶用叩其聲與朴鐘夷則清聲合而其形側垂瑗後改鑄正其紐使下垂叩之奔鬱而不揚其鏐鐘又長甬而震掉聲不和著作郎劉義叟謂人曰此與周景王無射無異今上將有眩惑之疾嘉祐元年正月帝御大慶殿受朝前一夕殿庭設仗衛既具而大雨雪至壓宮架折帝于宮中跣而告天遂暴感風眩人以義叟之言爲驗崇寧元年秋七月景鐘成景鐘

者黃鐘所自出也垂則爲鐘仰則爲鼎鼎之大于鐘九斛中聲所極製煉玉屑入于銅齊精純之至音韻清越其高九尺拱以九龍惟天子親郊乃用之立于宮架之中以爲君圍紹興十三年郊祀有司言大禮排設備樂宮架樂辨一料外登歌樂依在京夏祭例合用兩料其樂器登歌則用編鐘磬各一架祝敔二搏拊鼓二琴五色自一二三四五七至九絃各二瑟四遠四塤箎簫并二巢笙和笙各四并七星九曜閏餘匏笙各一麾幡一宮架則用編鐘編磬各十二架祝敔二瑟五色各十色二十六巢笙及簫并一十四七星九曜閏餘匏笙各一竽笙十塤一十二箎一十八遠二十晉鼓一建鼓四麾幡一用樂工四百四十人每祭各用樂工二人執色樂工

掌事掌器三十六人三祭共一百一十四人文舞武舞計用一百二十八人就以文舞幡充其二舞引頭二十四人皆召募補之給事中段拂等討論景鐘制度案大晟樂書黃鐘者樂所自出而景鐘又黃鐘之本故爲樂之祖惟天子郊祀上帝則用之自齋宮詣壇則擊之以召至陽之氣旣至聲闕眾樂乃作祀事旣畢升輦又擊之蓋天者羣物之祖今以樂之祖感之則天之百神可得而禮音韻清越拱以九龍立于宮架之中以爲君圍環以四清聲鐘磬鈔鐘特磬以爲臣圍編鐘編磬以爲民圍內設寶鐘球玉外爲龍簾鳳琴景鐘之高九尺其數九九寶高八尺一寸垂則爲鐘仰則爲鼎鼎之大中于九斛退藏寶八斛有一焉內出皇祐大樂中黍尺參以

太常舊藏黃鐘律編鐘高適九寸正相脗合遂遵用黍尺製造命禮局造鑄鐘四十有八編磬一百八十七特磬四十八及添製編鐘等命軍器所造建鼓八雷鼓二晉鼓一雷鼗鼓二柷敔各四尋製金鐘玉磬二架添置景鐘樂正一鐃鐘樂工十有二特磬樂工亦如之次降下古制銅鐃一增造其二古銅鐃一增造其六故造登歌夷則律五磬長遂二十有四并付太常凡大禮用樂三十有四色歌色一遙色二壎色三箎色四笙色五簫色六編鐘七編磬八鐃鐘九特磬十琴十一瑟十二柷敔十三搏拊十四晉鼓十五建鼓十六鞀應鼓十七雷鼓十八雷鼗鼓十九靈鼓二十靈鼗鼓二十一露鼓二十二露鼗鼓二十三雅鼓二十四相鼓二十五單鼗鼓二

十六旌纛二十七金鉦二十八金鐃二十九單鐸三十雙鐸
三十一鐃鐸三十二奏坐三十三麾幡三十四

金大定十一年太常議按唐會要舊制南北郊宮懸用二十
架周漢魏晉宋齊六朝及唐開元宋開寶禮其數皆同宋會
要用三十六架五禮新儀用四十八架其數多似太多今擬
太常因革禮天子宮懸之樂三十六簾宗廟與殿庭同郊丘
則二十簾宜用宮懸二十架登歌編鐘編磬各一簾從之宣
宗南遷定制太廟登歌鐘一簾磬一簾歌工四簾二壎二篪
二笛二篳篥二和笙二簫一七星匏一九曜匏一閏餘匏一
搏拊二祝一敔一麾一一弦琴二弦琴五弦琴七弦琴九弦
琴各二瑟四別廟登歌并同親祠則用金鐘玉磬攝祭則用

編鐘編磬宮懸樂三十六簋編鐘十二簋編磬十二簋大鐘
鋪鐘特磬各四簋建鼓應鼓鞀鼓各四路鼓一路鼗二晉鼓
一巢笙竽笙各十簫十箛十笛十塤八一弦琴三弦琴
五弦琴七弦琴九弦琴各六瑟十二祝一敔一麾一文舞籥
翟各六十四武舞朱干玉戚各六十四引舞旌二纛二牙杖
二單鐸二單鐸二雙鐸二金鐃二金鈸二相鼓二雅
鼓二有司攝祭宮懸二十簋編鐘四編磬四辰鐘十二建鼓
四路鼓四路鼗二晉鼓一巢笙竽笙簫塤箛笛各八一弦琴
三三弦琴五弦琴七弦琴九弦琴各六瑟八祝敔各一麾登
歌及二舞引舞所執與親祠同

初正隆間海陵營太廟于沐
貞祐南遷修之以附諸帝廟

主其禮故宋景靈宮趾也掘其下
得編鐘十三編磬八皆刻大晟字

元至元元年括金樂器散在寺觀民家者先是括到燕京鐘磬等器三百九十有九下翟剛辨驗給價至是大興府又進所括鐘磬樂器十太常因言亡金散失樂器不止燕京合于各路括之奏檄各道宣慰司括到鐘三百六十有七磬一十有七鐸一送于太常又中都西京北京等處括到大小鐘磬五百六十有九其完備景鐘二鐃鐘十二大聲鐘十中聲鐘一小聲鐘二十有七編鐘一百五十有五編磬七三年初用宮懸登歌樂丞相耶律鑄言今製宮懸大樂內編磬十有二簠宜選石材爲之大樂署郭敏上編鐘磬三十有六簠樹鼓四建鞀應同一座晉鼓一路鼓二鼗鼓二相鼓二雅鼓二柷一敔一笙二十有七巢和竿塤八箎簫簫笛各十琴十有七

瑟十有四單鐸雙鐸鐃鐃鉦麾旌纛各二鑄編鐘百九十二
靈壁石磬如其數凡郊祀宗廟用宮縣工二百六十有一人
祀前一日宿縣于庭中東方西方設十二鋪鐘各依辰位編
鐘左編磬右黃鐘之鐘起子位在通街之西蕤賓之鐘居午
位在通街之東每辰三簋謂之一肆十有二辰凡三十六簋
樹建韓應于四隅左祝右敎設縣中之北歌工次之三十一
人重行相向而坐簋笙次之簫次之竽次之箏次之箎次之
塤次之長笛又次之夾街左右瑟翼祝敎之東西在前行路
鼓路鼗次之郊祀則雷鼓雷鼗閏餘匏在簫東七星匏在西
九曜匏次之一弦琴列路鼓東西東一西二三弦五弦七弦
九弦次之晉鼓一處縣中東南以節樂一弦琴三三弦以下

皆六凡坐者高以杙地以氍立四表于橫街南少東設舞位
于縣北文郎左執籥右秉翟武郎左執干右執戚皆六十有
四人享日先入就位舞師二人執纛二人引文舞分立于表
南武舞及執器者俟立于宮縣左右執器鼗二雙鐸二單鐸
二鐃二鐔二鐔用六人鉦二相鼓二雅鼓二凡二十人文舞
退舞師二人執旌二人引武舞進立其處文舞還立于縣側
又設登歌樂于殿之前楹殿陛旁設樂床一搏拊二歌工六
桴一敔一在門內相向而坐鐘一簠在前楹之東一絃三絃
五絃七絃九絃琴五次之瑟二在其東笛一簫一篴一在琴
之南巢笙和笙各二次之塤一在笛之南閨餘匏排簫各一
次之皆西上磬一簠在前楹之西一絃三絃五絃七絃九絃

琴五次之瑟二在其西笛一簫一箎一在瑟之南巢笙和笙各二次之塤一在笛之南七星匏九曜匏排簫各一次之皆東上十九年王積翁奏請徵亡宋雅樂器至京師鍾二十有七編鐘七百二十有三特磬二十有二編磬二十有八鏡六單鐃雙鐃各五鉦鐃各八

明樂器之制郊丘廟社樂工六十二人編鐘編磬各十六琴十瑟四搏拊四祝敔各一塤四箎四簫八笙八笛四應鼓一歌工十二協律郎一人執麾以引之後復增簫四鳳笙四塤用六搏拊用二共七十二人舞則武舞生六十二人引舞二人各執干戈文舞生六十二人引舞二人各執羽簫舞師二人執節引之共一百三十人惟文廟樂生六十人編鐘編磬

各十六琴十瑟四搏拊四祝敔各一塤四箎四簫八笙八笛
四大鼓一洪武十六年鑄太和鐘倣宋景鐘以九九爲數高
八尺一寸拱以九龍柱以龍簾建樓于園丘齋宮之東北懸
之郊祀駕動則鐘聲作升壇鐘止眾音作禮畢升輦鐘聲作
俟導駕樂作乃止十七年改鑄減其尺十之四朝賀丹陛大
樂簫四笙四箎篴四方響四頭管四龍笛四琵琶四榛六杖
鼓二十四大鼓二板二後又定殿中韶樂簫十二笙十二排
簫四橫笛十二塤四箎琴十瑟四編鐘二編磬二應鼓二祝
一敔一搏拊二丹陛大樂戲竹二簫十二笙十二笛十二頭
管十二簫八琵琶八二十絃八方響二鼓二拍板八杖鼓十
二命婦朝賀中宮設女樂戲竹二簫十四笙十四笛十四頭

管十四簫十琵琶八二十絃八方響六鼓五拍板八杖鼓十二正旦冬至千秋凡三節其後太皇太后皇太后并用之朔望朝參戲竹二簫四笙四笛四頭管二簫二琵琶二十絃二方響一鼓一拍板二杖鼓六大晏殿內侑食樂簫六笙六歌工四丹陛大樂戲竹二簫四笙四琵琶六簫六篳篥四方響四頭管四龍笛四杖鼓二十四大鼓二板二文武二舞樂器笙二橫管二簫二杖鼓二大鼓一板一四夷舞樂杖鼓二琵琶二胡琴二篳篥二頭管二羌笛二簫二水盞一板一後又定殿內侑食樂祝一敔一搏拊一琴四瑟二簫四笙四笛四塤二篳二排簫一鐘一磬一應鼓一丹陛大樂戲竹二簫四笙四笛二頭管二琵琶二簫二二十絃二方響二杖鼓八

鼓一板一迎膳樂戲竹二笙二笛四頭管二簫二杖鼓十鼓
一板一進膳樂笙二笛二杖鼓八鼓一板一太平清樂笙四
笛四頭管二簫四方響一杖鼓八小鼓一板一